

# Origin e svilup da las organisaziuns d'agid social

**■ Avant la realisaziun d'ina veritabla politica sociala en il 20avel tschientaner (cassas publicas) eran las organisaziuns d'agid social ina furma da proverdiment voluntar e collectiv en cas da perdita da gudogn, malsogna, accident, invaliditat u dischoccupazion. I sa tratta qua da cassas d'agid e da fonds da susteign, fundads sin il princip da reciprocitat.** Da questas organisaziuns ed uniuns èn sa sviluppadas pli tard las seguranzas socialas publicas. In succurs instituzionalis che surpassava l'agid tranter vischins, usitò in las societads tradiziunals e las ovras da misericordia, vegniva accordà già in el temp medieval ed en el temp modern tempriv tras activitats caritativas ecclesiasticas en il rom da fundaziuns, ospitals ed ospizis. Ils Artigels da Glion dal 1524 e 1526 obligavan las vischnancas d'assister als paupers. Intgins vischinadis disponivan da fonds da spendas e possedevan ina chasa da paupers (per exempl Cuira e Trun), l'agid social organisa era dentant en general en in nausch stadi.

La pliart da las vischnancas ha fundà pir en il 19avel tschientaner fonds da paupers degns da vegnir menziunads. Percunter devi adina pusplè collectas punctualas per mitigiar miserias e per superar catastrofes da la natura sco inundaziuns, lavinas e bovas. En tals cas prelevavan ils cumins ina taglia speziala sin possess da giaschom. Enturn il 1530 è attestada a Cuira ina societat d'assistenza. Suenter il 1830 è il dumber da quellas s'augmentà canticuadmain ed ha cuntanschi sia culminaziun en ils decennis sustants. Per mancanza d'ina industrialisaziun n'encouscheva il chantun Grischun nagin proletariat industrial, ses problem eran ils paupers en las vischnancas temporarmain numeros.


Il 1890 è la Constituzion federala vegnida cumplettada cun l'artigel 34 bis che preveseva la fundaziun d'ina assicuranza da malsaus ed accidents e che concediva a la Confederaziun la competenza da declarer obligatorica l'adesiun a quella. Quai ha chaschunà la reunii respectivament la cooperaziun pli stretga dad organisaziuns (confessiunalas) d'assistenza sociala. Il 1901 eran reunidas pliras ovras catolicas en la Caritas. Entaifer la baselgia refurmada è vegnida instituida il 1946, sper las organisaziuns localas da la missiun interna (diaconia) existentes dapi il 19avel tschientaner, l'ovra d'agid da las baselgias evangelicas svizras (tudestg HEKS).

Fin la mesadal dal 20avel tschientaner era l'actividad dad organisaziuns svizras d'agid social – cun excepciu da las societads missiunares – orientada prevalentemente a persunas basegnusas en l'agen pajais, quai ch'è sa manifestà en la fundaziun dal Succurs svizzer d'enviern (1936) e da l'Agid svizzer per la muntopunt (1943).

Suenter l'approvaziun da la Lex Forrer tra il pievel svizzer il 1912 (lescha davart la fundaziun d'ina assicuranza da malsaus ed accidents), ha cumenzà per las organisaziuns d'agid social ina nova èra. Las instituzions da l'Assicuranza d'invaliditat (1925), l'Assicuranza cunter la dischoccupaziun (1947) e l'Assicuranza per vegls e survivents (1949) han limità il champ d'operusitat da las organisaziuns d'agid social e lur dumber è sa diminui fermamain gia suenter l'Emprima Guerra mondiala. Las organisaziuns d'agid social restantes èn sa midadas profundamain sut squitsch da la Confederaziun e da las societads d'assicuranzas concurrentas.

## Organisaziuns privatas (seleciun)

Sut l'influenza dals patriots ha la Societat bibliotecara, fundada il 1778, constitui ina chasa da paupers a Cuira; dal 1808–50 ha existi ina cassa da spargn privata per il Grischun; il 1836 è vegnida fundada la Chasa da succurs Foral a Cuira (averta il 1837; iniziant: Paul Kind), il 1837 ina chasa da succurs ad Aschera (seminari; fundatur: Peter Flury), il 1838 il Bündnerischer Hülfsverein für arme Knaben, die ein Handwerk erlernen wollen (fundatur: Leonhard Herold, sustegni dal Chantun a partir dal 1845), il 1841 la Chasa da paupers e d'educaziun



Placat da votaziun per l'emprima project d'ina assicuranza per vegls e survivents (1931).

Plankis a Cuira (averta il 1845 sin iniziatiua da la Johann Peter Hosang'sche Kantonal-Armenstiftung), il 1850 la Societat per la firmaziun professiunala da mattas povras a Cuira, il 1858 il Bündnerischer Hülfsverein für arme Taubstumme (societat inter-confessiunala), il 1882 ina colonia da vancanzas a Lai/Valbella (fundatura: la magistraglia da Cuira cun il susteign dal decan Luzius Herold), il 1892 l'Uniun grischuna per il succurs ad orfens (fundatur: mastergnants da lingua tudestga), il 1897 l'ovra caritativa serafica per il chantun Grischun (ovra per uffants neglids, senza patria e periclitads, sustegnida dal Chantun), il 1899 la Chasa per uffants debels da spiert, il 1916 la Chasa d'uffants Dieu gida a Favugn (fundatur: Emil Rupflin).

## Organisaziuns publicas

Il 1844 è vegnida fundada la Chasa d'orfens da la citad da Cuira, il 1847 la Societat d'utilidad publica, il 1909 la Cumissiun grischuna per la protezion dad uffants e dunnas a Cuira (fundatura: Societat per il bainstar public, constituida a Tavau il 1913), il 1912 la Pro Juventute (critigada pervi da sia acziun problematica, organisa da sut il num «Uffants da la via», ch'ha pertutgà fermamain il Grischun), il 1917 la Pro Senectute, il 1920 la Pro Infirmis.

## Organisaziuns ecclesiasticas

Il 1852 è vegnida fundada la Chasa da paupers Löwenberg a Schluuin (fundatur: Pader Teodosius Florentini), il 1849 la Societat da dunnas a Cuira, il 1854 il Fünfrappenverein a Cuira, il 1855 la Societat da povers a Cuira, il 1859 la Societat d'agid per surdmits paupers (fundatur: commembors da la Sinoda da Cuira).

Adolf Collenberg

## Instituts d'educaziun

Instituzions per part privatas e pauc reglementadas da vart dal stadi che s'occupan a moda collectiva ed a l'exterior da l'ambient famigliar da l'educaziun dad uffants e giuvenils periclitads e delinquents. Ils instituts d'educaziun offran als cussedents per in temp limità u illimità in spazi da vivere strutturà cun persunal specialisà tenor criteris pedagogics, sche las famiglias na pon betg u betg pli garantir il bainstar u satisfar als basegns pedagogics e terapeu-

tics da lur uffants. D'in punct da vista socio-istoric derivan quels instituts da l'ospital medieval ch'ha servì fin viaden il 18avel tschientaner da ricover per paupers e malsaus, da chasa d'educaziun e correccziun sco era da praschun d'inquisiziun. En il 19avel tschientaner vegnivan els era numnads chasas da salvament (Foral, Cuira, avert il 1837), chasas d'orfens (Cuira, 1844) u chasas da paupers (Plankis, Cuira, avert il 1845). Els seleciunavan lur inquilins tenor la vegliadetgna, il stadi da sannad, il basegn da tgira u il grad da «normalità» u da divergenza sociala.

Sut l'influenza da las refurmazas pedagogicas, dals moviments da giuvenils e lavurers e dal moviment studentic dal 1968 è naschida ina gronda varietad d'internats u semi-internats per cas psychiatrics, handicaps u cas socials, renconuschids dal stadi e destinads a la giuventetgna: dimoras per uffants, scolars e giuvenils, instituts d'observaziun e da terapia, dimoras transitoricas, famiglias grondas pedagogic-curativas e cuminanzas d'abitar sociopedagogicas. D'in punct da vista giuridic sa basan ils instituti d'educaziun a medem temp sin il dretg da famiglia e da scola, il dretg social, il dretg d'assistenza a la giuventetgna, il dretg penal per giuvenils ed il dretg da farmaziun professionala. In uffant u in giuvenil periclità po vegnir plazzà en in institut sin giavisch expressiv dals geniturs, sin pressiun da l'autoritat tutevara (mesira da dretg civil) u sin proposta da la scola u da la giurisdicziun penal per giuvenils (mesira da dretg public). Il Grischun dispona sulettamain da scolas specialas, tut ils auters cas ston vegnir tractads ordaifer il Chantun.

Hannes Tanner

## Societat d'utilidad publica dal Grischun

Fundada il favr 1847 a Cuira da Peter Conradin von Planta sco seziun da la Societat d'utilidad publica svizra. Ella sa finanziava surtut tras donaziuns privatas e legats (per part da passa 1 miu. frs). Sia finima era l'introduciun ed il mantegniment da l'industria da chasa per cumbatter il pau-perissem: tessaria da launa e da ponn, lavurs da chanaster e da stgaina. Il 1850 era a la Societat d'utilidad publica dal Grischun preschenta en 22 vischnancas, tranter auter a Vaz Sut ed a Val. En quel temp vegniva el-

la mobilisada oravant tut da ses confundatur Teodosius Florentini. Il naufragi da l'industrialisaziun en il Grischun ha prest sfurzà ella da limitar sias activitads a l'agid en cas da catastrofes (fieu, aua, terratrembels), a la scolaziun da giuvenils e da crescids (referats, bibliotecas popularas) ed a la fundaziun d'unions (gimnastica, chant). Com-members: 1850–80 47–52; 1891 340; 1930 1263; 1945 837.

Gist uschè important sco l'agid direct èn stadas, surtut a partir dal 1860, l'influenza da la societat sco forum da discussiun per ils problems dal temp (economia, politica sociala), sia l'avor da sensibilizaziun da la publicitat e sia l'avor preliminara per la legislativa e l'executiva. Ina part considerabla da ses commembors derivava, surtut dapi ils onns 1880, da l'elite politica, ecclesiastica e culturala. La Societat d'utilidad publica dal Grischun ha preparà la basa spiertala e – grazia a gronds legats – era quella materiala per la statistica chantunala, per ils ospitals chantunals e regionalis (Hermann Herold, Anton Cadonau, Christian Lorenz Allemann, Anna von Planta e.a.) e per la scolaziun da las dunnas. Ella ha però era prestà bler per ils marginalis: per orfens, praschuniers, mala-saus da spiert (per exempl Riöltà) ed uffants debels da spiert (Donaziun dunna Maria Christina Berger a Masans), per alcoholichers (Chasa populara retica), tschorvs (legat Franziska Beck) ed emprendists (Biblioteca populara chantunala; Friedrich Pieth). La Societat d'utilidad publica dal Grischun ha cuntanschi ses ze-nit en ils onns 1900–30. Dapi ils onns 1970 sostegna ella era finanzialmain persunas en situaziuns da basegn che crodan tra la rait sociala.

Adolf Collenberg

## Assicuranza da mala-saus

Il 1813 è documentada a Cuira in'assicuranza da mala-saus per miradurs, il 1819 ina Allgemeine Gesellen-Krankenkasse. I suondan Tusau il 1841, la Curia episcopala a Cuira il 1842, Glion il 1852 e Cuira (citad) il 1853. Il 1900 ha il suveran swizer (e grischun) refusà in obligatori federal per in'assicuranza da mala-saus (Lex Forrer). Il 1902 èn s'unidas 27 assicuranzas a l'Uniun chantunala da las cassas da mala-saus dal Grischun. Fin il 1912 existivàn be unions d'agid e da susteign sin basa privata e mo 4,2 % da la populaziun era segirada.

Suenter la votaziun federala dal 1911 pertutgond l'Assicuranza da mala-saus (aceptada era dal Grischun) l'ha il Grischun declarerà obligatorica. I onns 1921 eran segirads 61 % da la populaziun, il 1952 94%. Dal 1923 datescha la lescha grischuna d'assicuranzas en cas da mala-saus, maternitàt e mort, pertuda da las cassas alimentadas per part da contribuziuns chantunals e federalas. Il 1964 è la lescha federala dal 1911 vegnida revedida. La lescha chantunala davart l'Assicuranza da mala-saus datescha dal 1995 e sa basa sin la lescha federala davart l'Assicuranza da mala-saus e d'accidents dal 1994.

Adolf Collenberg

## Assicuranza d'invaliditat (AI)

Ultra da rentas accordadas a persunas inablas da lavurar en consequenza d'imperdiments corporals e spiertals da naschientsha, tras mala-sausas u accidents dat l'Assicuranza d'invaliditat era contribuziuns per mesiras d'integrazion medicinalas, pedagogicas u professiunala. Per tschorvs, impedids d'uditia u da spiert devi instituzions da provediment che cooperavan da pi il 1920 en la Pro Infirmis. Suenter l'introduciun da l'Assicuranza per vegls e survivents è s'augmentads ils postulats per in'assicuranza d'invaliditat. Il 1955 han la PS e la PdL inoltrà iniziatiwas correspontentes e già il 1 da schaner 1960 ha l'Assicuranza d'invaliditat pudì entrar en vigur. Ella è colliada fermamain cun l'Assicuranza per vegls e survivents sin il plau material ed organisatoric. Revisiuns autonomas: 1967, 1986, 1991 e 2003.

L'Assicuranza d'invaliditat metta l'accent sin l'integrazion en la vita professiunala; la pliart dals daners vegn dentant

impundida per las rentas. Las entradas da l'Assicuranza d'invaliditat provegnan da subvenziuns federalas e chantunals sco era da contribuziuns dals assicurads e patrums. Questas contribuziuns, fixadas l'emprim a 0,4 % dal salari, han subi plirs augmentos e correspontan dapi il 1995 a 1,4% dal salari. En consequenza da la refurmua da l'armada dal 1995 èn vegnidas transferidas a l'Assicuranza d'invaliditat il 1998 2,2 mia. frs da la reserva da chapital da la Cassa da compensaziun dal gudogn. Bernard Degen

## Assicuranza per vegls e survivents (AVS)

Fin a la creaziun da l'Assicuranza per vegls e survivents era la preventiun per la vegliadetgna ina chaussa privata en il Grischun. Organisaziuns d'utilidad publica prestavan per part agid material sin basa solidarica. Dapi il 1865 èn documentadas era en il Grischun societads d'agid vicendaivel che administravan deposits da spargn privats per la vegliadetgna, fundaziuns e fonds d'agid. La pliart da questas societads, ch'han precedi las cassas da pensiun privatas odiernas, èn vegnidas fundadas suenter l'Emprima Guerra mondiala. Il 1925 eran assicuradas en Svizra 262 440 persunas en 1221 cassas da pensiun. In'assicuranza obligatoria per la vegliadetgna avevan mo ils chantuns Glaruna (1916), Appenzell Dador (1925) e Basilea-Citad (1932), ina facultativa Neuchatel (1898) ed il Vad (1907).

Il 1919 ha il Cussegli federal engaschà ina cumissiun da s'occupar da l'assicuranza per la vegliadetgna. Il 1917/18 ha la Societat svizra d'utilidad publica constituita ina Fundaziun per la vegliadetgna. Il 1925 ha il suveran swizer oblige la Confederaziun da stgaffir la basa per in'assicuranza per vegls e survivents ed in'assicuranza d'invaliditat. Il 1931 ha il pievel refusà l'emprima project da lescha. Ina midada fundamentala è succedita il 1934 tras in'ordinaziun federala davart la distribuziun da las subvenziuns federalas per vegls, vaivas ed orfens als chantuns: ils 7 miu. frs concedids als chantuns han remplazzà la Fundaziun per la vegliadetgna (mantegnida anc per cas d'urgenza). Il 1939 ha il Cussegli federal decidi ina compensaziun da la perdita da gudogn per la schuldada, finanziada tras ils dus pertschients da la paja, consegnads mintgamai dals patrums e dals emploids sco era tras ina contribuziun da la Confederaziun. Cassas da cumpanzia administravan questi daners.

Il 1942 ha in comité d'emploids, da representants d'associazioni sindicalas, da la PS e da la PLD inoltrà in'initiativa per midar l'urden da compensaziun vertent en in'assicuranza per vegls e survivents. Ils mastergnants, ils purs, ils cattolics ed ils patrums na faschein betg part da quel comité. Il rapport da la cumissiun d'experts dal mars 1945 postulava ina vegliadetgna da renta da 65 onns, rentas gradiadas, cassas da cumpanzia ed ina finanziaria tras pertschients da la paja. Il novembre 1946 han omaduas chombras federalas approvà cun gronda maioritad ina lescha correspontenta. Liberals da dretga, sustegnids d'emploids e da gremis catolic-conservativs (senza ils cristian-socials) han prendi il referendum. Ils 7 da fanadur 1947 è quel vegnì refusà cun 80 % da las vuschs, en il Grischun cun 23 397 cunter 5 891 vuschs (oravant tut catolica). Il prim da schaner 1948 è l'Assicuranza per vegls e survivents entrada en vigur. Fin il 2004 è ella vegnida revedida 10 giadas.

Bernard Degen

## Lexicon Istoric Retic

Il LIR cumpiglia bundant 3100 arttgels (geografics, tematicas, arttgels da famiglias e biografias) davart l'istoria grischuna/retica e la Rumantschia. Editura: Fundaziun Lexicon Istoric Svizzer; versiun online: [www.e-lir.ch](http://www.e-lir.ch); versiun stampata: [www.casanova.ch](http://www.casanova.ch) u en mintga libriaria.